

3 YONI

Yoni 'ina lele hetoina

Yoni 'ina leta bewa 'alona 'ihe'ote'otetela mu-
muga bwebwe'ana weyahina.

Loyauwedo

¹ Taugu 'imi bada, leta bewa yaleleyawa 'owa 'iyagu Geyo 'oiuwa. Moisa, 'ateguwega yahe-
lauwegowa.

² Ciyagu, 'igu 'ahwanoi Yehoba 'oina wahi
'ina miya bwebwe'ana weyahina, yasanapuya
weyahina yaluyaluwau 'ina miya bwebwe'ana,
eema ma'ina yaliyaya.

³ Mwalo tupwadi tasidao sitauyama 'ebwa, ta
'ino mumuga dumwaluna tetelina 'oinega sigihe
yaliyayaegauwa, weyahina 'eda dumwaluna
'oinega 'utautauya.

⁴ Bewa 'igu 'ebe yaliyaya madouna 'eguma
natugwao wasadi yahesagohe 'abehega 'eda
dumwadumwaluna 'oinega sitautauya.

Cada tolemao ma 'ada 'alehao weyahidi

⁵ Ciyagu, 'ino lema eema 'ino paihowa tasidao
ma taumanao 'oidiya, tutaina 'eguma 'ino 'asa
sihapwesawa, weyahina yayaliyaya.

⁶ Ma tasidaowedi 'eguma sihilama 'ino
helau 'oidiya weyahina sihehepwaila
tohekalesiyao 'oima. Moisa tuwa, taudi
Yehoba 'ina topaihowao, 'oinega 'ilobwaineya
'eguma si'ebe'ebesinegomi nima'abiyadi wete
wa'ebwaedi.

7 Taudi Keliso 'ina paihowa weyahina sisakosakowasi, ma lema geya sida lobeya taudi geya Yehoba 'ana tohemisao 'oidiyega.

8 Coinega 'ilobwainegita ma tauda talededi, eema taudi mahetedao tahetopaihowa mahemahetena 'eda dumwadumwaluna weyahina.

9 Cami hemataluwa ya'etoladi pwaiyawa, 'omi tohekalesiyao, ma loheyaina sanina Diotilipi nuwanuwana ma taunamo 'ida lolina, 'oinega taugu 'igu lolina 'i'ausiya,

10 ma 'igwae hesihesinuwegauwa, ma wete 'iyadao 'ilososomamediya, ma 'eguma tupwadi 'oimiyega nuwanuwadi ma silemedi 'i'ausidi, ma tohekalesiyaowedi 'ipa'ipa'idi. Coinega 'eguma 'abwa yalatuwa beno 'ina mumugaedi yahegwaegwae weyahidi.

11 Ciyagu, geya'abwa mumuga galana 'umulimuliye, ma mumuga 'ausalana hesi. Tobwebwe'anao taudi Yehoba 'ina bodao, ma topuiyao geya Yehoba sida sanapuya.

12 Ma Dimitilo tauna loheya bwebwe'ana. Tomota mabwaiyadi 'idi hepwaita gidemusa, weyahina taudi he'ita moisa 'ana tomuliyao sihe-hepwaita 'abehega Dimitilo loheya bwebwe'ana, ma taugu wete 'igu hepwaita gidemusa, ma 'igu hepwaita wasanapuya 'abehega gwae moisa.

Gwae 'ana 'ebelosaloha

13 Nuwatuhu baibaiwadi simiyamiya ma nuwanuwagu yaleyawa weyahidi,

14 ma tuwa, weyahina yanuwatuhu yahiya 'abehega 'abwa yatauyawa ma 'owa mahetegu tahegwaegwae.

15 Yauwedo 'owa. Ciyadao 'ebwa 'idi helau
'oiuwa. Ma 'iyadao nobwa sanidi 'aigeda 'aigeda
wete 'oidiya 'igu helau 'uhepwaile.

LOINA HAUHAUNA
The New Testament in the Bunama language of Papua
New Guinea
Nupela Testamen long tokples Bunama long Niugini
copyright © 1991 Wycliffe Bible Translators, Inc.

Language: Bunama

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0. You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-02

PDF generated using Haiola and XeLaTeX on 18 Mar 2025 from source files dated 31 Aug 2023
45dc0516-b235-59d5-bb1e-9b6a4ca7d904